

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10), člana 4. stav 1. Pravilnika o postupcima u provođenju Programa razvoja male privrede za period od 2021. do 2024. godine, broj:04-24-2136-1/21 od 09.06.2021. godine i Programa utroška budžetskih sredstava (Subvencije privatnim preduzećima i poduzetnicima) usvojenog Zaključkom Vlade Kantona, broj: 02-11-10878/21 od 04.08.2021. godine, na prijedlog Ministarstva za privredu, Vlada Zeničko-dobojskog kantona na 120 sjednici, održanoj dana 09.09.2021. godine, donosi

ZAKLJUČAK

I.

Daje se saglasnost na Uputstvo za dodjelu sredstava po Programu utroška budžetskih sredstava u 2021. godini (Subvencije privatnim preduzećima i poduzetnicima), broj: 04-11-10878-1/21 od 06.09.2021. godine, koje čini sastavni dio ovog zaključka.

II.

Zaključak stupa na snagu danom donošenja.

PREMIJER

Mirnes Bašić

Broj: 02-_____/21
Datum, 09.09.2021. godine
Zenica

DOSTAVLJENO:

1x Ministarstvo za privredu,
1x a/a.



UPUTSTVO
ZA DODJELU SREDSTAVA PO PROGRAMU UTROŠKA BUDŽETSKIH
SREDSTAVA U 2021. GODINI
(Subvencije privatnim preduzećima i poduzetnicima)

Zenica, septembar 2021. godine

Na osnovu člana 56. i 66. stav 2. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05) i Pravilnika o postupcima u provođenju Programa razvoja male privrede za period od 2021. do 2024. godine, broj: 04-24-2136-1/21 od 09.06.2021. godine, ministar Ministarstva za privredu Zeničko-dobojskog kantona, uz saglasnost Vlade Zeničko-dobojskog kantona, donosi:

**UPUTSTVO
ZA DODJELU SREDSTAVA PO PROGRAMU UTROŠKA BUDŽETSKIH
SREDSTAVA U 2021. GODINI
(Subvencije privatnim preduzećima i poduzetnicima)**

**I OSNOV ZA DONOŠENJE UPUTSTVA ZA DODJELU SREDSTAVA PO
PROGRAMU UTROŠKA BUDŽETSKIH SREDSTAVA U 2021. GODINI
(Subvencije privatnim preduzećima i poduzetnicima)**

U skladu sa članom 9. Zakona o poticanju razvoja male privrede („Službene novine Zeničko-dobojskog kantona“, broj: 7/16 i 7/20), Vlada Zeničko-dobojskog kantona je Zaključkom, broj: 02-24-8569/21 od 16.06.2021. godine donijela Program razvoja male privrede Zeničko-dobojskog kantona za period 2021.-2024. godina. Programom razvoja male privrede Zeničko-dobojskog kantona su utvrđene: smjernice razvoja, poticajne mjere, nosioci provođenja poticajnih mjera, aktivnosti provođenja, izvori sredstava, metodologija provođenja i praćenja provođenja pojedinih mjera. Program razvoja male privrede Zeničko-dobojskog kantona je usklađen sa Strategijom razvoja Zeničko-dobojskog kantona 2021.-2027. godina.

Program utroška budžetskih sredstava u 2021. godini–Subvencije privatnim preduzećima i poduzetnicima donešen je u skladu sa članom 28. stav (1) i članom 46. stav (1) Zakona o izvršavanju budžeta Zeničko-dobojskog kantona za 2021. godinu („Službene novine Zeničko-dobojskog kantona“, broj: 7/21) i odredbama Zakona o poticanju razvoja male privrede („Službene novine Zeničko-dobojskog kantona“, broj: 7/16 i 7/20). Program je usaglašen sa Strategijom razvoja Zeničko-dobojskog kantona za period 2021.-2027. godina, te sa nadležnostima Ministarstva za privredu.

Programom utroška budžetskih sredstava u 2021. godini–Subvencije privatnim preduzećima i poduzetnicima utvrđeni su kriteriji na način da će Ministarstvo za privredu raspisati javni poziv za dodjelu sredstava, u skladu sa Uputstvom za dodjelu sredstava u 2021. godini.

II IZVOR FINANSIRANJA

Budžetom Zeničko-dobojskog kantona za 2021. godinu („Službene novine Zeničko-dobojskog kantona“, broj: 07/21), planirana su finansijska sredstva, ekonomski kod 614500–Subvencije privatnim preduzećima i poduzetnicima u iznosu od **2.550.000,00 KM**.

III UPUTSTVO ZA DODJELU SREDSTAVA U 2021. GODINI

U skladu sa Pravilnikom o postupcima u provođenju Programa razvoja male privrede za period od 2021. do 2024. godine, Ministarstvo za privredu donosi Uputstvo za dodjelu sredstava u 2021. godini.

Imajući u vidu raspoloživa sredstva, te obaveze koje proizilaze iz Programa rada Ministarstva za privredu i Programa rada Vlade Zeničko-dobojskog kantona, te u skladu sa Programom utroška budžetskih sredstava u 2021. godini–Subvencije privatnim preduzećima i poduzetnicima, Ministarstvo za privredu je planiralo utrošak sredstava, putem sljedećih javnih poziva i na sljedeći način:

1. Javni poziv za odabir korisnika “Programa podrške razvoju konkurentnosti privrede (investiranje u opremu)” za 2021. godinu;
2. Javni poziv za prikupljanje zahtjeva za odobravanje i dodjelu finansijskih sredstava namjenjenih subvencioniranju investicija kod obrta iz područja prerađivačke djelatnosti i obavljanje djelatnosti prema Uredbi o zaštiti tradicionalnih i starih zanata;
3. Javni poziv za prikupljanje zahtjeva za odobravanje i dodjelu sredstava poticaja namjenjenih subvencioniranju projekata turističke infrastrukture i suprastrukture;
4. Javni poziv za prikupljanje zahtjeva za odobravanje i dodjelu finansijskih sredstava namjenjenih subvencioniranju projekata razvojnih agencija;
5. Javni poziv za prikupljanje zahtjeva za odobravanje i dodjelu finansijskih sredstava namjenjenih za subvencioniranje (regresiranje) kamata po kreditima odobrenim u 2020. i 2021. godini po osnovu Kreditno-garancijskog fonda Vlade Zeničko-dobojskog kantona;
6. Javni poziv za odabir banke za plasman kreditne linije uz subvencioniranje dijela troškova kamate od strane Ministarstva za privredu za MSP koji posluju na području Zeničko-dobojskog kantona;
7. Javni poziv za prikupljanje zahtjeva za odobravanje i dodjelu finansijskih sredstava namjenjenih subvencioniranju dijela troškova organizacije sajмова i manifestacija;
8. Javni poziv za prikupljanje zahtjeva za odobravanje i dodjelu (refundaciju) finansijskih sredstava namjenjenih subvencioniranju administrativnih troškova kod izgradnje proizvodnih objekata.

1. JAVNI POZIV ZA ODABIR KORISNIKA “PROGRAMA PODRŠKE RAZVOJU KONKURENTNOSTI PRIVREDE (INVESTIRANJE U OPREMU)” ZA 2021. GODINU

Ciljevi: Program će podržati MSP u svrhu povećanja konkurentnosti kroz podršku jačanja MSP - tehnološko unapređenje poslovnih procesa i proizvodnje sa fokusom na sektore sa najvećim potencijalom za ekonomski rast.

Jedan podnosilac prijave može podnijeti maksimalno 1 projektni prijedlog.

Prihvatljivost podnosioca prijave:

Kako bi se ispunili uslovi prihvatljivosti, podnosioci prijave moraju biti:

- Pravna lica/privredna društva (d.o.o. i d.d.) shodno Zakonu o poticanju razvoja male privrede ZDK, koji:
- imaju sjedište na području ZDK;
- nalaze se u većinskom privatnom vlasništvu državljana Bosne i Hercegovine;
- posluju najmanje šest mjeseci od dana objave ovog Programa na web stranici Vlade ZDK;
- imaju pozitivno poslovanje u 2020. godini;

- imaju najmanje 3 (tri) zaposlena na neodređeno vrijeme na dan objave Javnog poziva na web stranici Vlade ZDK, unutar područja C i J62 Klasifikacije djelatnosti KDBiH 2010.

Korisnici poticajnih grant sredstava Ministarstva za privredu iz 2019. i 2020. godine koji nisu opravdali isplaćena poticajna sredstva, nemaju pravo učešća na Javnom pozivu u 2021. godini.

MSP mogu da podnesu projektne prijedloge za projekte definirane Programom isključivo samostalno.

Prijave više aplikacija (privrednih društava - d.o.o i d.d.) kroz jedan prijedlog neće biti uzete u obzir.

Jedan podnosilac prijave može koristiti najviše jednu vrstu poticaja Ministarstva za privredu u tekućoj budžetskoj godini.

Neprihvatljivi podnosioci prijave:

Ministarstvo neće odobriti podršku podnosiocima prijave koji:

- su u postupku predstečajne nagodbe ili likvidacije;
- nemaju pozitivno poslovanje u 2020. godini;
- ne mogu pružiti na uvid bilans stanja i bilans uspjeha, za 2020. godinu (osim podnosioca prijave koji posluju kraće od 12 mjeseci);
- nisu registrovani na području ZDK;
- nisu ispunili obaveze vezane uz plaćanja dospjelih poreznih obaveza i obaveza za penziona i zdravstveno osiguranje u skladu sa zakonskim odredbama. Podnosioci prijave koji imaju sklopljen ugovor sa poreskim organima u Bosni i Hercegovini o servisiranju duga neće biti uzeti u razmatranje;
- nemaju izmirene sve obaveze prema svojim zaposlenicima po bilo kojoj osnovi;
- su osuđeni za krivično djelo vezano za svoje poslovno ponašanje na temelju pravosnažne presude;
- su bili predmetom pravosnažne presude za prijevaru.

Dodjela finansijskih sredstava kroz Program, iznos bespovratnih sredstava i udio sufinansiranja:

Iznos sredstava za finansiranje tehnološkog unapređenja MSP je 1.000.000,00 KM- tehnološko unapređenja MSP obuhvata ulaganje u materijalnu i nematerijalnu imovinu. Maksimalni iznos sredstava po jednom aplikantu iznosi 20.000,00 KM.

Ukoliko podnosilac prijave dostavi više od jednog projektnog prijedloga, nijedan projektni prijedlog se neće uzeti u razmatranje. Također, ukoliko predloženi projekat prelazi navedeni iznos koji su predmet finansiranja iz Programa, isti neće biti uzeti u razmatranje.

Za svaki projekat podnosilac prijave/MSP mora osigurati vlastito sufinansiranje u iznosu od minimalno 50% ukupnog iznosa za realizaciju predloženog projekta (50% sufinansiranje MSP i 50% sufinansiranje Programa). Sufinansiranje MSP može samo biti u novcu, te se sufinansiranje u stvarima neće uzimati u obzir.

MSP će obezbijediti podatke o izdvojenim finansijskim sredstvima kroz prijavni obrazac i budžet, zajedno sa pismom namjere o minimalnom iznosu sufinansiranja kojim se izražava spremnost da se alociraju MSP sredstva za ovu specifičnu namjenu.

Ministarstvo zadržava pravo da ne raspodijeli sva raspoloživa sredstva, u slučaju da kvalitet prijedloga projekata ne ispunji očekivanja i definisane kriterije.

U slučaju kada korisnik ne ostvari planiranu razinu pokazatelja navedenih u podnesenoj prijavi, Ministarstvo ima pravo zatražiti od korisnika da izvrši povrat uplaćenih sredstava.

Kriteriji za evaluaciju projektnih prijedloga:

Program podrške razvoju konkurentnosti privrede (investiranje u opremu) će evaluirati prijave na osnovu sljedećih osnovnih i dodatnih kriterija za odabir:

Osnovni kriteriji:

- Predviđeno unapređenje tehnološke opremljenosti će omogućiti kvantitativno poboljšanje proizvodnog procesa i pristup novim tržištima;
- Planirana investicija u nove tehnologije će ostvariti povećanje prihoda u iznosu od minimalno 3% godišnje u 12 mjeseci od nabavke. Podnosioci prijave moraju kroz prijavu jasno predstaviti način na koji će doći do povećanja prihoda;
- Planirana investicija u unapređenje tehnološke opremljenosti neće rezultirati smanjenem broja zaposlenih;
- MSP je obezbijedilo finansijska sredstva za sufinansiranje projekta u minimalnom iznosu zahtjevanom kroz ovaj javni poziv (minimalno 50% ukupnog iznosa za realizaciju predloženih projekata);
- Predloženi projekti će biti završeni najkasnije 6 mjeseci od dana potpisivanja Ugovora.

Dodatni kriteriji:

- MSP izvozi 50% i više prometa;
- Predviđeno vlastito učešće MSP u ukupnoj vrijednosti projekta iznosi više od minimalno zahtijevanih 50%;
- MSP ima 4 i više zaposlenih;
- MSP je u većinskom vlasništvu osoba mlađih od 35 godina starosti ili u vlasništvu žena;
- MSP posluje u jedinicama lokalne samouprave (JLS) koje su izrazito nerazvijene ili nedovoljno razvijene^{6,7,8}
- MSP do sada nije bio korisnik poticajnih grant sredstava Ministarstva;
- MSP obavlja pretežnu djelatnost proizvodnje proizvoda sa visokim stepenom finalizacije;
- Predviđeno unapređenje tehnološke opremljenosti će za rezultat imati novo zapošljavanje;
- Predviđeno unapređenje tehnološke opremljenosti doprinosi integraciji inovacija u poslovanje MSP;
- MSP ima zaključen ugovor sa obrazovnim institucijama o obavljanju ferijalne prakse.

Korištenje sredstava Programa

Prihvatljive aktivnosti:

- ulaganja u materijalnu i nematerijalnu imovinu vezanu uz kupovinu novih tehnologija i opreme (npr. proizvodnih linija, mašina, uređaja, opreme itd.), uvođenje novih postupaka ili prerađivačkih metoda koje dovode do poboljšanja

proizvodnje i/ili prerade i proizvoda veće kvalitete, transfer znanja radi poboljšanja proizvodnog ciklusa;

- ulaganje u materijalnu i nematerijalnu imovinu vezanu za adaptaciju proizvodnog prostora radi stvaranja adekvatnih radnih uslova za instaliranje i puštanje u rad nabavljene opreme i mašina kroz ovaj Program (na primjer: sitne rekonstrukcije za dostizanje potrebnog fizičkog i funkcionalnog standarda radnog prostora);
- diversifikacija proizvodnje MSP u nove proizvode (novi proizvodi, nove proizvodne linije, povećanje palete ponude, usavršavanje proizvoda prema zahtjevu tržišta itd.).

Neprihvatljive aktivnosti:

- projekte kojima je, za istu investiciju i iste prihvatljive troškove (ukupno ili djelomično) dodijeljena druga finansijska pomoć od strane donatora, Vlade Zeničko-dobojskog kantona ili neke druge institucije u Federaciji BiH;
- kupovina zgrada ili zemljišta;
- izgradnja objekata ili obnova i rekonstrukcija (osim navedenog u prihvatljivim aktivnostima pod alinejom 2.);
- adaptacija objekata za osobnu upotrebu;
- kupovina, obnova, rekonstrukcija, modernizacija objekata za najam ili prodaju.

Korisnik sredstava će biti dužan pravdati trošak ukupnih sredstava predviđenih za realizaciju projekta, kako vlastitih tako i sredstava Programa.

Pravdanje će se vršiti sa odgovarajućom dokumentacijom, čiji datumi mogu biti samo poslije datuma objave Javnog poziva na web stranici Kantona. Za neopravdana sredstva Ministarstvo će pokrenuti proceduru povrata sredstava.

Javnim pozivom će se detaljno definisati prihvatljivi i neprihvatljivi troškovi projekta.

Zahtjevi koji se odnose na kapacitete podnosilaca prijave, efikasno korištenje sredstava i održivost rezultata projekta:

Podnosioci prijave trebaju osigurati efikasnu upotrebu sredstava u skladu s načelima ekonomičnosti i djelotvornosti.

U slučaju da korisnik Programa ne ostvari planirane rezultate, Ministarstvo ima pravo zatražiti povrat isplaćenih sredstava.

Po odobrenju projekata, MSP korisnici će morati dostaviti mjenicu i mjeničnu izjavu na ukupan iznos finansiranja po osnovu Programa. Mjenica i mjenična izjava treba uključiti traženi iznos sufinansiranja i PDV-a.

Korisnici Programa moraju osigurati održivost projekta, odnosno tokom razdoblja od 2 godine od završetka provedbe projekta moraju osigurati:

- održavanje istog broja uposlenih kao na dan objave Javnog poziva na web stranici Kantona,
- vlasništvo nad materijalnom ili nematerijalnom imovinom nabavljenoj kao rezultat podrške Programa ostaje nepromjenjeno, tj MSP ne smije prodavati, otuđivati, prebacivati ili na bilo koji drugi način izvršiti transfer nad vlasništvom nabavljenih stvari prema trećim fizičkim i pravnim licima,
- održavanje opreme i druge imovine nabavljene tokom projekta.

Odobrena sredstva se uplaćuju korisnicima sredstava iz jednog dijela u iznosu od 100% odobrenih sredstava po potpisu Ugovora i predaje mjenice i mjenične izjave.

Prijava treba da sadrži sljedeće dokumente i priloge:

- Obrazac projektnog prijedloga;
- Budžet sa narativnim dijelom;
- Plan aktivnosti;
- Pismo namjere o minimalnom iznosu sufinansiranja;
- Sudsko rješenje o registraciji (prva registracija i aktualni izvod)- Prilog I;
- Uvjerenje od Porezne uprave FBiH o izmirenju direktnih poreza i doprinosa (PIO/MIO i zdravstveno osiguranje) za sve uposlene, sa brojem ili popisom osiguranih osoba - Prilog II;
- Uvjerenje o poreznoj registraciji –Prilog III;
- Obavijest o razvrstavanju subjekta prema djelatnosti (FBiH Zavod za statistiku) - Prilog IV;
- Uvjerenje o izmirenim obavezama po osnovu PDV-a (ukoliko je obveznik po Zakonu o porezu na dodanu vrijednost u sistemu, ukoliko nije PDV obveznik, dostaviti Izjavu da pravno lice nije u sistemu PDV-a, ovjerenu od strane nadležnog upravnog organa)- Prilog V;
- Bilans stanja i bilans uspjeha za 2020. godinu ovjereni od nadležnog organa–Prilog VI (odnosi se na podnosiocima koji posluju duže od 12 mjeseci);
- Izjava o neosuđivanosti i nevođenju postupka po osnovu privrednog kriminala fizičke odnosno odgovorne osobe u pravnoj osobi - Prilog VII;
- Izjava o nesudjelovanju u koruptivnim radnjama – Prilog VIII;
- Izjava o korištenim potporama male vrijednosti –Prilog IX
- Potvrda o prebivalištu za odgovornu osobu (CIPS)–Prilog X;
- Uvjerenje o državljanstvu Bosne i Hercegovine za većinskog vlasnika/vlasnike – Prilog XI;
- Potvrdu o izvršenom izvozu proizvoda ili usluge u 2020. godini od nadležne institucije (ukoliko je podnosilac prijave izvoznik) – Prilog XII,
- Izjava da za istu investiciju i iste prihvatljive troškove (ukupno ili djelomično) koje je prijavio po ovom Javnom pozivu, nije dodijeljena druga finansijska pomoć od strane donatora, Vlade Zeničko-dobojskog kantona ili neke druge institucije u Federaciji BiH – Prilog XIII.

Pored navedene dokumentacije i priloga, podnosioci prijava moraju podnijeti sljedeće dokumente kao sastavni dio projektnog prijedloga:

- u slučaju nabavke opreme, mašina i profesionalnih vozila - odgovarajuća ponuda ili predračun od dobavljača sa uključenom tehničkom specifikacijom;
- u slučaju nabavke hardvera i softvera - odgovarajuća ponuda ili predračun od dobavljača sa uključenom tehničkom specifikacijom;
- u slučaju nabavke patenata - odgovarajuća ponuda ili predračun od vlasnika patenta;
- u slučaju adaptacije poslovnih/proizvodnih prostorija - predmjer i predračun radova;
- u slučaju zaključenog ugovora sa obrazovnim institucijama o obavljanju ferijalne prakse – ugovor o izvođenju ferijalne prakse.

Ponude ili predračuni sa uključenim tehničkim specifikacijama ne mogu biti od dobavljača koji spadaju u kategoriju povezanih lica sa podnosiocima prijave. Osnovi povezanosti su:

- Isti vlasnik i/ili suvlasnik pravnog lica,

- Vlasništvo i/ili suvlasništvo bračnog druga i/ili lica koja žive u istom domaćinstvu ili imaju međusobno povezane ili zajedničke investicije i
- Zajednički članovi Nadzornog odbora i/ili Uprave. Podnosioci prijava će u sklopu Pisma namjere o minimalnom iznosu sufinansiranja potpisati Izjavu da dobavljači po navedenom projektu nisu iz kategorije povezanih društava, kao i da se sredstva iz Programa neće koristiti za neprihvatljive aktivnosti.

Način podnošenja aplikacije:

Popunjen obrazac projektnog prijedloga s pratećom dokumentacijom dostaviti u originalnom primjerku A4 formata, uvezano i numerisano, te jedan elektronski primjerak snimljen na elektronskom mediju.

Prijave moraju biti dostavljene u zatvorenoj koverti preporučenom poštom na sljedeću adresu: MINISTARSTVO ZA PRIVREDU ZENIČKO-DOBOJSKOG KANTONA KUČUKOVIĆI 2, ZENICA, s naznakom: Ne otvarati – po Javnom pozivu za odabir korisnika „Program podrške razvoju konkurentnosti privrede (investiranje u opremu)“

Prijave dostavljene drugim putem (npr. putem faksa ili e-mail), neće biti uzete u razmatranje. Prijave se ne mogu dostaviti lično.

2. JAVNI POZIV ZA PRIKUPLJANJE ZAHTJEVA ZA ODOBRAVANJE I DODJELU FINANSIJSKIH SREDSTAVA NAMJENJENIH SUBVENCIONIRANJU INVESTICIJA KOD OBRTA IZ PODRUČJA PRERAĐIVAČKE DJELATNOSTI I OBAVLJANJE DJELATNOSTI PREMA UREDBI O ZAŠTITI TRADICIONALNIH I STARIH ZANATA

Ciljevi: Subvencioniranje administrativnih troškova izgradnje proizvodnih objekata, dijela troškova kupovine objekta i osnovnih sredstava i obavljanja djelatnosti prema Uredbi o zaštiti tradicionalnih i starih zanata (Službene novine Federacije BiH“, broj: 35/09, 66/09, 38/10 i 16/12).

Prihvatljivost podnosioca prijave:

Investitori koji proizvodnu investiciju realizuju u obrtničku prerađivačku djelatnost na području Zeničko-dobojskog kantona. Korisnici sredstava poticaja za obavljanje djelatnosti prema Uredbi o zaštiti tradicionalnih i starih zanata, su sva fizička lica koja posjeduju dozvolu za obavljanje djelatnosti izdatu na području Zeničko-dobojskog kantona u skladu sa Uredbom. Korisnici sredstava poticaja su obrtnici registrovani u Zeničko-dobojskom kantonu po Zakonu o obrtu i srodnim djelatnostima (“Službene novine Federacije BiH“, broj: 35/09 i 42/11), sa liste vezanih i posebnih obrta, (“Službene novine Federacije Bosne i Hercegovine“, broj: 66/09 i 62/10), te Popisa tradicionalnih zanata, (“Službene novine Federacije Bosne i Hercegovine“, broj: 66/09 i 38/10), za koju posjeduju dozvolu za obavljanje djelatnosti izdatu od nadležnog organa najmanje 6 mjeseci prije, računajući od dana podnošenja zahtjeva.

Jedan korisnik poticaja može koristiti najviše jednu vrstu poticaja Ministarstva za privredu u tekućoj budžetskoj godini.

Kriteriji za dodjelu finansijskih sredstava i iznos sredstava poticaja:

Investitoru će se nakon uredne prijave i procedure odlučivanja odobriti sredstva u jednokratnom iznosu na sljedeći način:

- a) Po osnovu izgradnje objekta za obavljanje obrtničke djelatnosti, obrtniku će se odobriti sredstva prema kriterijima datim u slijedećoj tabeli:

Minimalna površina objekta /m²/	Iznos sredstava poticaja /KM/
5	800,00
20	1.000,00
30	1.200,00
40	1.600,00
50	2.000,00
60	2.400,00
70	2.800,00
80	3.200,00
90	3.600,00
100	4.000,00
110	4.400,00
120	4.800,00
130	5.200,00
140	5.600,00
150	6.000,00
160	6.400,00
170	6.800,00
180	7.200,00
190	7.600,00
200	8.000,00
250	10.000,00
300	12.000,00
400	16.000,00
500	20.000,00
600	24.000,00
800	28.000,00
1.000	32.000,00
1.250	36.000,00
1.500	40.000,00
2.000 i više	50.000,00

Napomena: Iznos sredstava poticaja 800,00 KM dodjeljuje se za površine objekta u rasponu od 5 do 19,99 m² i navedeno se primjenjuje i na ostale iznose i pripadajuće površine navedene u tabeli.

- b) Po osnovu kupovine objekta, opreme i mašina, kao osnovnih sredstava, za obavljanje obrtničke djelatnosti, u skladu sa uslovima (kriterijima) definisanim u tački 1. Javnog poziva, obrtniku će se odobriti sredstva u jednokratnom iznosu od 35 % od ukupne visine investicije, s tim da iznos ne može biti veći od 50.000,00 KM.

Kupoprodaja objekata, opreme i mašina, kao osnovnih sredstava, za obavljanje obrtničke djelatnosti po ovom Javnom pozivu nije prihvatljiva ukoliko se vrši između povezanih lica i to: isti vlasnik i/ili suvlasnik, vlasništvo i/ili suvlasništvo bračnog

druga i/ili lica koja žive u istom domaćinstvu ili imaju međusobno povezane ili zajedničke investicije.

- c) Sredstva za korištenja poticaja za obavljanje djelatnosti prema Uredbi o zaštiti tradicionalnih i starih zanata se dodjeljuje jednokratno u iznosu od 2.500,00 KM.
- d) Korisnicima poticaja mlađim od 35 godina, računajući na dan podnošenja zahtjeva, ukupan iznos poticajnih sredstava se uvećava 20%.
- e) Ukoliko je vlasnik obrta ženskog roda, ukupan iznos poticajnih sredstava se uvećava 20%.

Ukupni iznos sredstava koja se mogu odobriti i isplatiti korisniku ovog poticaja po osnovu tačke 2. alineje a), b), c), d) i e) ovog Javnog poziva je 50.000,00 KM. Sredstva su u ovom iznosu limitirana na navedeni maksimalni iznos po više osnova:

- po jednom subjektu – korisniku,
- po više objekata (izdvojenih prostora) registrovanih po Zakonu o obrtu i srodnim djelatnostima,
- u okviru jedne godine dana.

Sredstva će se odobravati investitorima prema hronološkom redoslijedu prijema zahtjeva do konačne raspodjele ukupnog iznosa budžetskih sredstava namjenjenih za ovaj poticaj.

Korištenje sredstava:

Pod proizvodnim novoizgrađenim objektom, u duhu ovog poticaja, podrazumjevaju se uređeni građevinski prostori površine od 5 do 2.000 i više m², u kojim investitor obavlja proizvodne obrtničke djelatnosti i za koje je investitor obezbjedio upotrebnu dozvolu prema Zakonu o građenju izdatu od nadležnog organa nakon 01.01.2017. godine.

Pod kupovinom proizvodnog objekta, u duhu ovog poticaja, podrazumjeva se kupovina uređenog građevinskog prostora površine od 5 do 2.000 i više m², u kojem investitor obavlja registrovanu proizvodnu obrtničku djelatnost.

Pod investicijom, u duhu ovog poticaja, podrazumjevaju se utrošci nastali zbog kupovine objekta, tokom izgradnje objekata, kupovine mašina i opreme (osnovnih sredstava) uredno evidentirani nakon 01.01.2017. godine.

Prijava treba da sadrži sljedeće dokumente i priloge:

- a) Uz zahtjev (obavezno upisati broj telefona) za odobravanje poticajnih sredstava namjenjenih za subvencioniranje investicija kod obrta, Investitor je dužan dostaviti sljedeće priloge:
 - Original ili ovjerenu kopiju Odobrenja – rješenja za obavljanje djelatnosti prema Zakonu o obrtu i srodnim djelatnostima (“Službene novine Federacije BiH”, broj: 35/09 i 42/11), izdato 6 mjeseci prije podnošenja zahtjeva, računajući od dana podnošenja Zahtjeva,
 - Original ili ovjerenu kopiju Odobrenja - rješenja za upotrebu objekta, izdato od nadležnog organa, nakon 01.01.2017. godine (odnosi se na korisnike sredstava koji zahtjev podnose po osnovu tačke 2 alineja a) ovog Javnog poziva),
 - Original ili ovjerenu kopiju nedvosmislenog dokaza o utrošcima u osnovna sredstva nastalim u toku realizacije investicije nakon 01.01.2017. godine,
 - Original ili ovjerene kopije urednih dozvola za osnovna sredstva, izdate od nadležnog organa,

- Original ili ovjerena pojedinačna uvjerenja o uredno izmirenim javnim prihodima, ne starija od 3 (tri) mjeseca računajući od dana objave Javnog poziva na web stranici Kantona,
- Uvjerenje komercijalne banke da je žiro račun investitora aktivan, ne starije od 3 (tri) mjeseca u odnosu računajući od dana objave Javnog poziva na web stranici Kantona,
- Ovjerenu kopiju lične karte u slučaju da je obrtnik mlađi od 35 godina, računajući od dana objave Javnog poziva na web stranici Kantona,
- Potpisanu i ovjerenu Izjava o ranije primljenim državnim pomoćima DE MINIMIS, koje su podnosiocu zahtjeva dodjeljene u tekućoj i prethodne dvije fiskalne godine u skladu sa Zakonom o sistemu državne pomoći u B i H ("Službeni glasnik B i H", broj:10/12 i 39/20) i Uredbe o uslovima i postupku za dodjelu pomoći male vrijednosti – de minimis pomoć („Službene novine Federacije Bosne i Hercegovine“, broj: 27/18). (Obrazac Izjave može se preuzeti sa web stranice Kantona – www.zdk.ba),
- Izjava pod punom materijalnom i krivičnom odgovornosti da kupoprodaja objekata/ opreme i mašina kao osnovnih sredstava za obavljanje obrtničke djelatnosti po ovom Javnom pozivu nije izvršena između povezanih lica i to: isti vlasnik i/ili suvlasnik, vlasništvo i/ili suvlasništvo bračnog druga i/ili lica koja žive u istom domaćinstvu ili imaju međusobno povezane ili zajedničke investicije, ovjerena od strane nadležnog organa,
- U slučaju podnošenja zahtjeva za dodjelu sredstava za kupovinu objekta, investitor je dužan dostaviti i: original ili ovjerenu kopiju ugovora o kupoprodaji objekta zaključenog nakon 01.01.2017. godine, original ili ovjerenu kopiju nedvosmislenog dokaza o plaćanju kupoprodajne cijene iz ugovora o kupoprodaji i original ili ovjerenu kopiju Odobrenja - rješenja za upotrebu objekta, izdatu od nadležnog organa.

Uz zahtjev (obavezno upisati broj telefona) za odobravanje poticajnih sredstava namjenjenih za subvencioniranje obavljanja djelatnosti prema Uredbi o zaštiti tradicionalnih i starih zanata (Službene novine Federacije BiH“, broj: 66/09 i 38/10), Investitor je dužan dostaviti sljedeće priloge:

- Original ili ovjerenu kopiju Odobrenja – rješenja za obavljanje djelatnosti prema Zakonu o obrtu i srodnim djelatnostima (“Službene novine Federacije BiH“, broj: 35/09 i 42/11) i Uredbi o zaštiti tradicionalnih i starih zanata (Službene novine Federacije BiH“, broj: 66/09 i 38/10), izdato 6 mjeseci prije podnošenja zahtjeva, računajući od dana podnošenja Zahtjeva,
- Original ili ovjerena pojedinačna uvjerenja o uredno izmirenim javnim prihodima, ne starija od 3 (tri) mjeseca računajući od dana objave Javnog poziva na web stranici Kantona,
- Uvjerenje komercijalne banke da je žiro račun investitora aktivan, ne starije od 3 (tri) mjeseca računajući od dana objave Javnog poziva na web stranici Kantona,
- Ovjerenu kopiju lične karte u slučaju da je obrtnik mlađi od 35 godina, računajući od dana objave Javnog poziva na web stranici Kantona,
- Potpisanu i ovjerenu Izjava o ranije primljenim državnim pomoćima DE MINIMIS, koje su podnosiocu zahtjeva dodjeljene u tekućoj i prethodne dvije fiskalne godine u skladu sa Zakonom o sistemu državne pomoći u B i H ("Službeni glasnik B i H", broj:10/12 i 39 i 20) i Uredbe o uslovima i postupku za dodjelu

pomoći male vrijednosti – de minimis pomoć („Službene novine Federacije Bosne i Hercegovine“, broj: 27/18). (Obrazac Izjave može se preuzeti sa web stranice Vlade ZDK – www.zdk.ba),

Izjava pod punom materijalnom i krivičnom odgovornosti da kupoprodaja objekata/opreme i mašina kao osnovnih sredstava za obavljanje obrtničke djelatnosti po ovom Javnom pozivu nije izvršena između povezanih lica i to: isti vlasnik i/ili suvlasnik, vlasništvo i/ili suvlasništvo bračnog druga i/ili lica koja žive u istom domaćinstvu ili imaju međusobno povezane ili zajedničke investicije, ovjerena od strane nadležnog organa.

Ukoliko podnosilac zahtjeva podnosi dva ili više zahtjeva po ovom Javnom pozivu (tačka 2. alineja a), b) i c) Javnog poziva), dužan je svaki zahtjev sa dokumentacijom utvrđenom ovom tačkom Javnog poziva dostaviti zasebno u odvojenim kovertama.

Način podnošenja aplikacije:

Zahtjev se mora dostaviti u zatvorenoj koverti.

Na poledini koverta obavezno navesti:

- naziv subjekta;
- adresu i kontakt telefon;
- ovjeriti pečatom.

Zatvorene koverta dostavljaju se lično na Protokol Zeničko-dobojskog kantona ili putem pošte na sljedeću adresu: ZENIČKO-DOBOJSKI KANTON, Ministarstvo za privredu, KOMISIJA ZA OCJENU ZAHTJEVA ZA ODOBRAVANJE I DODJELU POTICAJA KOD OBRTA, Kučukovići br. 2, Zenica, 72 000, S naznakom: “NE OTVARATI”.

Prijave dostavljene drugim putem (npr. putem faksa ili e-mail), neće biti uzete u razmatranje.

3. JAVNI POZIV ZA PRIKUPLJANJE ZAHTJEVA ZA ODOBRAVANJE I DODJELU SREDSTAVA POTICAJA NAMJENJENIH SUBVENCIONIRANJU PROJEKATA TURISTIČKE INFRASTRUKTURE I SUPRASTRUKTURE

Ciljevi: Subvencioniranje dijela troškova realizovanih projekata u 2021. godini i projekata čija je realizacija započela u 2021. godini kao što su:

- a) uređenje, izgradnja i obnova objekata javne turističke infrastrukture i suprastrukture /ili rekreacijskih i drugih turističkih sadržaja na području Zeničko-dobojskog kantona:
 - kupališta i plaže na rijekama i jezerima,
 - turistički informativni centri,
 - odmorišta pored puteva,
 - otvoreni objekti sportske rekreacije i rekreacije za djecu,
 - male vještačke akumulacije sa kupalištem,
 - zabavno rekreativne staze i puteve (trim staze, staze zdravlja, vidikovci, panoramski putevi,
 - biciklističke staze, pješačke staze, i slično),
 - objekti za predah i kraće zadržavanje turista,
 - kućice za organizaciju vjerskih i novogodišnjih praznika,

- b) objekata turističke infrastrukture i suprastrukture i/ili rekreacijskih i drugih turističkih sadržaja na području Zeničko-dobojskog kantona:
- ugostiteljski kapaciteti, smještajni kapaciteti, rekreacijski i drugi turistički sadržaji.

Prihvatljivost podnosioca prijave:

Pravo na dodjelu sredstava za realizaciju projekata pod alinejom a) imaju općine/gradovi, udruženja i fondacije.

Pravo na dodjelu sredstava za realizaciju projekata pod alinejom b) imaju privredni subjekti (pravna i fizička lica) definisani članom 2. Zakona o poticanju razvoja male privrede („Službene novine Zeničko-dobojskog kantona“, broj: 7/16 i 7/20).

Neprihvatljivi podnosioci prijave:

Pravo na dodjelu sredstava ne mogu ostvariti podnosioci zahtjeva koji nisu opravdali isplaćena poticajna sredstva Ministarstva za privredu iz 2019. i 2020. godine.

Jedan korisnik poticaja može koristiti najviše jednu vrstu poticaja Ministarstva za privredu u tekućoj budžetskoj godini.

Dodjela finansijskih sredstava kroz Program, iznos bespovratnih sredstava i udio sufinansiranja:

Ukupan iznos sredstava za finansiranje ovog Javnog poziva iznosi 500.000,00 KM.

Indikativna raspodjela ukupnog iznosa sredstava je kako slijedi:

- Za općine/gradovi ukupan iznos 200.000,00 KM, a po pojedinačnom zahtjevu općine/grada sredstva će se odobriti u iznosu ukupnog troška realizacije projekta (ne uključujući vlastito učešće i učešće drugih subjekata), ali ne više od 30.000,00 KM,
- Za udruženja i fondacije ukupan iznos 100.000,00 KM, a po pojedinačnom zahtjevu udruženja i fondacije sredstva će se odobriti u iznosu ukupnog troška realizacije projekta (ne uključujući vlastito učešće i učešće drugih subjekata), ali ne više od 10.000,00 KM, i
- Za privredne subjekte (pravna i fizička lica) ukupan iznos 200.000,00 KM, a po pojedinačnom zahtjevu privrednog subjekta će se odobriti u iznosu ukupnog troška realizacije projekta (ne uključujući vlastito učešće i učešće drugih subjekata), ali ne više od 20.000,00 KM.

U slučaju da se ne iskoristi ukupan iznos sredstva unutar indikativne raspodjele sredstava, Ministarstvo za privredu će neutrošeni iznos sredstava rasporediti na preostale dvije indikativne grupe korisnika sredstava.

Kriteriji za evaluaciju projektnih prijedloga:

stepen samofinansiranja (vlastito učešće %)

DO 10 % - 1 BOD

OD 11 % DO 20 % - 2 BODA

OD 21 % DO 30 % - 3 BODA

OD 31 % DO 40 % - 4 BODA
OD 41 % DO 50 % - 5 BODOVA
OD 51 % i više - 6 BODOVA

stepen sufinansiranja (učešće drugih subjekata %)

posmatrač se ukupna sredstva /zbir/ učešća svih drugih subjekata

DO 10 % - 1 BOD
OD 11 % DO 20 % - 2 BODA
OD 21 % DO 30 % - 3 BODA
OD 31 % DO 40 % - 4 BODA
OD 41 % DO 50 % - 5 BODOVA
OD 51 % i više - 6 BODOVA

razvijenost jedinice lokalne samouprave (JLS) u kojoj se projekat realizuje¹

IZRAZITO NERAZVIJENE – 5 BODOVA
NEDOVOLJNO RAZVIJENE – 3 BODA
OSTALE – 0 BODOVA

¹Za bodovanje zahtjeva koriste se podaci Federalnog zavoda za programiranje razvoja - Socioekonomski pokazatelji po općinama FBiH 2020. godina, <https://www.fzzpr.gov.ba/files/Socioekonomski%20pokazatelji%20po%20op%C4%87inama/Socioekonomski%20pokazatelji%202020..pdf>

Izrazito nerazvijene JLS su: 1. Vareš, 2. Ključ, 3. Ravno, 4. Domaljevac-Šamac, 5. Bužim, 6. Foča, 7. Drvar, 8. Glamoč, 9. Teočak, 10. Pale, 11. Čelić, 12. Sapna, 13. Bosansko Grahovo, 14. Dobretići.

Nedovoljno razvijene JLS su: 1. Fojnica, 2. Zavidovići, 3. Olovo, 4. Kalesija, 5. Stolac, 6. Bosanska Krupa, 7. Tomislavgrad, 8. Donji Vakuf – Uskoplje, 9. Grad Cazin, 10. Velika Kladuša, 11. Kladanj, 12. Odžak, 13. Sanski Most, 14. Prozor, 15. Bosanski Petrovac.

Sredstva će se odobravati projektima prema bodovnoj listi od najvećeg broja na niže, do krajnje raspodjele ukupnog iznosa budžetskih sredstava namjenjenih za ovaj poticaj, a u skladu sa indikativnom raspodjelom ukupnog iznosa sredstava.

U slučaju da više podnosioca zahtjeva u okviru iste indikativne raspodjele iznosa sredstava, nakon ocjenjivanja, ostvare isti broj bodova, prednost u odobravanju sredstva poticaja ima onaj podnosilac zahtjeva čiji je veći procenat vlastitog učešća u stepenu samofinansiranja, a ukoliko se ovaj kriteriji ne može primijeniti, a ostvaren je isti broj bodova, prednost imaju zahtjevi koji su ranije hronološki zaprimljeni.

Korištenje sredstava:

Neprihvatljivi troškovi su:

- Troškovi redovnog poslovanja podnosioca zahtjeva za podršku (plaće i ostala primanja zaposlenih, troškove prijevoza i putovanja, studijska putovanja, pokriće gubitaka, poreze i doprinose, kamate na kredite, carinske i uvozne takse ili bilo

- koje druge naknade),
- Izrada studije, elaborata, projektne i druge dokumentacije,
- Kupovina zgrada ili zemljišta,
- Najam i kupnju vozila,
- Troškovi redovnog uredskog poslovanja,
- Za sve druge troškove koji nisu vezani za realizaciju kandidovanog projekta i ciljeve projekta,
- Ponude ili predračuna sa uključenim tehničkim specifikacijama od dobavljača koji spadaju u kategoriju povezanih lica sa podnosiocima prijava, i to:
 - *isti vlasnik i/ili suvlasnik pravnog lica,*
 - *vlasništvo i/ili suvlasništvo bračnog druga i/ili lica koja žive u istom domaćinstvu ili imaju međusobno povezane ili zajedničke investicije i*
 - *zajednički članovi Nadzornog/Upravnog odbora i/ili Uprave.*

Prijava treba da sadrži sljedeće dokumente i priloge:

Uz zahtjev, potencijalni korisnik - subjekt dostavlja sljedeće priloge:

- Popunjen obrazac zahtjeva (dostupan na web stranici Vlade Kantona);
- Uvjerenje Komercijalne banke da je žiro račun subjekta aktivan, ne starije od 3 (tri) mjeseca računajući od dana objave ovog Javnog poziva;
- Dokaz o raspoloživim sredstvima, vlastito učešće (Izvod ili Potvrda ovjereno od banke);
- Potvrda, odluka ili ugovor o sufinsiranju projekta iz drugih izvora (original ili ovjerena kopija);
- Projektna dokumentacija i potrebne saglasnosti (za onu vrstu objekata za koju je neophodna);
- Projekat sa sljedećim obaveznim sadržajem: naziv projekta, detaljan opis plana realizacije, ključne aktivnosti, predviđene datume realizacije, pregled budžeta projekta koji uključuje sve aktivnosti koje treba realizovati iz sredstava poticaja, te na jasan način objasniti o kakvom projektu se radi. Projekat mora predvidjeti broj mjerljivih rezultata na koje će realizacija projekta imati najviše efekta. U pregledu budžeta projekta predstavljaju se troškovi do kojih implementator projekta očekuje da će doći za vrijeme trajanja projekta. Pregled budžeta treba da govori isto što i opis prijedloga projekta, a stavke budžeta treba da prate logičan slijed aktivnosti na način kako je projektom navedeno. Potrebno je da što više budžetskih stavki bude zasnovano na tačno utvrđenim troškovima, a ne na približnim procjenama. Također, ukoliko je predviđeno sufinansiranje projekta, potrebno je specificirati planirane aktivnosti i navesti izvore finansiranja navedenih aktivnosti iz sopstvenih i/ili drugih izvora i priložiti dokaze o istom. U sklopu projektnog prijedloga dostavljaju se dodatna pojašnjenja budžetskih stavki navedenih u formi pregleda budžeta. Tabela prikaz planiranog utroška sredstava mora obuhvatiti sve stavke jasno i kratko opisane, sa definisanom mjernom jedinicom, brojem jedinica i jediničnom cijenom, gdje njihov rezultat daje ukupnu vrijednost svake takve budžetske stavke.

Obaveznu dokumentaciju općina/gradova, čine i sljedeći dokumenti:

- Original ili ovjerena kopija Odluke Načelnika/Gradonačelnika o pokretanju realizacije projekta,

- Original ili ovjerene kopije Uvjerenja o uredno izmirenim javnim prihodima (porezi, doprinosi, indirektni porezi) ili ovjerena kopija sporazuma sa nadležnom poreznom institucijom o reprogramiranom odnosno odgođenom plaćanju obaveza po osnovu poreza, doprinosa i indirektnih poreza uz potvrdu poreskih organa da se u predviđenoj dinamici izmiruju reprogramirane obaveze – ne starija od 3 (tri) mjeseca računajući od dana objave ovog Javnog poziva,
- Pismo namjere o realizaciji projekta (dostupno na web stranici Kantona).

Obaveznu dokumentaciju udruženja i fondacija čine i sljedeći dokumenti:

- Original ili ovjerenu kopiju Rešenja o registraciji udruženja ili fondacije – podnosioca prijave, izdato od Ministarstvu pravosuđa i uprave Zeničko-dobojskog kantona/Federalno ministarstvo pravde prije 01.01.2020. godine;
- Izvod iz Registra Ministarstva pravosuđa i uprave Zeničko-dobojskog kantona/Federalno ministarstvo pravde – ne stariji od 3 (tri) mjeseca računajući od dana objave ovog Javnog poziva,
- Original ili ovjerenu kopiju Bilansa stanja i Bilansa uspjeha za prethodnu godinu;
- Original ili ovjerenu kopiju odluke upravnog odbora subjekta o pokretanju realizacije projekta;
- Original ili ovjerene kopije Uvjerenja o uredno izmirenim javnim prihodima (porezi, doprinosi, indirektni porezi) ili ovjerena kopija sporazuma sa nadležnom poreznom institucijom o reprogramiranom odnosno odgođenom plaćanju obaveza po osnovu poreza, doprinosa i indirektnih poreza uz potvrdu poreskih organa da se u predviđenoj dinamici izmiruju reprogramirane obaveze – ne starija od 3 (tri) mjeseca računajući od dana objave ovog Javnog poziva;
- Original ili ovjerenu kopiju dokaza o pravu korištenja nepokretnosti;
- Saglasnosti vlasnika nepokretnosti za realizaciju kandidovanog projekta;
- Izjava o realizaciji projekta (dostupna na web stranici Kantona);
- Potpisano i ovjerenu Izjavu o ranije primljenim državnim pomoćima DE MINIMIS, koje su podnosiocu zahtjeva dodijeljene u tekućoj i prethodne dvije fiskalne godine u skladu sa Zakonom o sistemu državne pomoći u BiH ("Službeni glasnik BiH", broj:10/12 i 39/20) i Uredbom o uslovima i postupku za dodjelu pomoći male vrijednosti – de minimis pomoć („Službene novine Federacije Bosne i Hercegovine“, broj: 27/18). (Obrazac Izjave može se preuzeti sa web stranice Vlade ZDK – www.zdk.ba),
- Udruženja koja nemaju zaposlenih, trebaju dostaviti izjavu da nemaju zaposlenih, i nemaju poreznih obaveza, obaveza prema MIO/PIO i zdravstvenom osiguranju ovjerenu kod nadležnog organa.

Obaveznu dokumentaciju privrednih subjekata čine i sljedeći dokumenti:

- Original ili ovjerenu kopiju dokaza o registraciji od nadležnog organa (rješenje o upisu u sudski registar za pravne osobe, rješenje nadležnog općinskog/gradskog organa za fizičke osobe);
- Original ili ovjerenu kopiju uvjerenja o poreznoj registraciji (identifikacijski broj: ID broj i PDV broj ukoliko su PDV obavezni);
- Original ili ovjerenu kopiju uvjerenja o uredno izmirenim javnim prihodima (porezi, doprinosi, indirektni porezi) – ne starija od 3 (tri) mjeseca računajući od dana objave ovog Javnog poziva (ukoliko je obveznik po Zakonu o porezu na

dodanu vrijednost u sistemu, ukoliko nije PDV obveznik, dostaviti Izjavu da nije u sistemu PDV-a, ovjerenu od strane nadležnog upravnog organa);

- Izjava o realizaciji projekta (dostupna na web stranici Vlade Kantona);
- Potpisanu i ovjerenu Izjavu o ranije primljenim državnim pomoćima DE MINIMIS, koje su podnosiocu zahtjeva dodijeljene u tekućoj i prethodne dvije fiskalne godine u skladu sa Zakonom o sistemu državne pomoći u BiH ("Službeni glasnik BiH", broj:10/12 i 39/20) i Uredbom o uslovima i postupku za dodjelu pomoći male vrijednosti – de minimis pomoć („Službene novine Federacije Bosne i Hercegovine“, broj: 27/18). (Obrazac Izjave može se preuzeti sa web stranice Vlade ZDK – www.zdk.ba);
- Original ili ovjerenu kopiju uvjerenja o uredno izmirenim finansijskim obavezama prema Budžetu Zeničko-dobojskog kantona, ne starija od 3 (tri) mjeseca računajući od dana objave ovog Javnog poziva;
- Original ili ovjerenu kopiju Rješenja o kategorizaciji objekta (za objekte koji se kategoriziraju) i/ili ispunjavanju minimalnih uslova (za objekte koji se ne kategoriziraju);
- Original ili ovjerenu kopiju Obavijesti o razvrstavanju subjekta prema djelatnosti (Zavod za statistiku FBiH);
- Original ili ovjerenu kopiju dokaza o pravu korištenja nepokretnosti;
- Saglasnost vlasnika nepokretnosti za realizaciju kandidovanog projekta.

Način podnošenja aplikacije:

Zahtjev se mora dostaviti u zatvorenoj koverti.

Na poleđini koverta obavezno navesti:

- naziv subjekta;
- adresu i kontakt telefon;
- ovjeriti pečatom.

Zatvorene koverta dostavljaju se lično na Protokol Zeničko-dobojskog kantona ili putem pošte na sljedeću adresu: ZENIČKO-DOBOJSKI KANTON, Ministarstvo za privredu, KOMISIJA ZA OCJENU ZAHTJEVA ZA ODOBRAVANJE I DODJELU POTICAJA KOD REALIZACIJE PROJEKATA TURISTIČKE INFRASTRUKTURE I SUPRASTRUKTURE, Kučukovići br. 2, 72 000 Zenica, S naznakom: “NE OTVARATI”.

Prijave dostavljene drugim putem (npr. putem faksa ili e-mail), neće biti uzete u razmatranje.

4. JAVNI POZIV ZA PRIKUPLJANJE ZAHTJEVA ZA ODOBRAVANJE I DODJELU FINANSIJSKIH SREDSTAVA NAMJENJENIH SUBVENCIONIRANJU PROJEKATA RAZVOJNIH AGENCIJA

Ciljevi: Subvencioniranje dijela troškova realizacije projekata razvojnih agencija koje su u 2021. godini planirale realizaciju i/ili u periodu od 01.01.2021. godine do dana objave ovog Javnog poziva realizovale projekte iz svojih programa rada i to:

- organizacija i izvođenje obuke poduzetnika,
- unapređenje poduzetničkih zona i inkubatora,
- unapređenje poslovnih, inovacijskih i tehnoloških parkova,

- nabavka opreme koja će se koristiti u edukativne svrhe,
- izrada strateških dokumenata za područje Zeničko-dobojskog kantona.

Prihvatljivost podnosioca prijave:

Pravo na dodjelu sredstava poticaja za realizaciju projekata navedenih u tački 1. ovog Javnog poziva, imaju razvojne agencije koje su registrovane sa sjedištem na području Zeničko- dobojskog kantona, najmanje godinu dana prije objavljivanja Javnog poziva, prema Zakonu o privrednim društvima («Službene novine Federacije BiH», broj: 81/15), a koje se ne finansiraju iz Budžeta Zeničko-dobojskog kantona i koje su u 2021. godini planirale realizaciju i/ili u periodu od 01.01.2021. godine do dana objave ovog Javnog poziva realizovale projekte iz svojih programa rada na području Zeničko-dobojskog kantona.

Dodjela finansijskih sredstava i iznos bespovratnih sredstava:

Podnosiocu zahtjeva, nakon dostavljanja urednog zahtjeva i procedure ocjene i izbora, se može odobriti subvencija u iznosu ukupnog troška realizacije projekta, ali ne više od 10.000,00 KM.

Kriteriji za evaluaciju projektnih prijedloga:

Rangiranje podnosioca zahtjeva će se vršiti prema sljedećim kriterijima:

vlastito učešće % (minimalno vlastito učešće je 10%)

- OD 10 % DO 20 % - 1 BOD
- OD 21 % DO 30 % - 2 BODA
- OD 31 % DO 40 % - 3 BODA
- OD 41 % DO 50 % - 4 BODOVA
- OD 51 % DO 60 % - 5 BODOVA
- OD 61 % i više - 6 BODOVA

razvijenost jedinice lokalne samouprave (JLS) u kojoj se projekat realizuje¹

- IZRAZITO NERAZVIJENE – 5 BODOVA
- NEDOVOLJNO RAZVIJENE – 3 BODA
- OSTALE – 0 BODOVA

Sredstva će se odobravati projektima prema bodovnoj listi od najvećeg broja na niže, do konačne raspodjele ukupnog iznosa budžetskih sredstava namjenjenih za ovaj poticaj. U slučaju istog broja bodova, prednost za odobravanje sredstava će imati projekti koji se realizuju u izrazito nerazvijenim JLS. Ukoliko i u ovom slučaju projekti imaju jednak broj bodova, sredstva će se odobravati projektima prema hronološkom redoslijedu prijema.

Korištenje sredstava:

Neprihvatljivi troškovi projekta:

- Troškovi zaposlenika (plate);
- Dugovanja i rezerve za gubitke;
- Dugovanja po kamati;

- Troškovi režija i održavanja (voda, struja, grijanje, komunalni otpad, telekomunikacije, upravljanje zgradom, internet i sl.);
- Kupovina objekata i zemljišta;
- Adaptacija, obnova, rekonstrukcija, modernizacija objekata za ličnu upotrebu;
- Izvršavanje radova ili osiguravanje robe, usluga, zemljišta i nekretnina za koje nije izvršeno plaćanje u gotovini, potkrijepljeno računima ili dokumentima iste dokazne vrijednosti;
- Doprinosi za dobrovoljna zdravstvena ili mirovinska osiguranja koji nisu obavezna prema zakonodavstvu;
- Kazne i troškovi sudskog spora;
- Plaćanja neoporezivih bonusa zaposlenima;
- Bankovni troškovi za otvaranje i vođenje računa, naknade za finansijske transfere i drugi troškovi u potpunosti finansijske prirode;
- Kamate;
- Trošak police osiguranja imovine (uključuje i imovinu nabavljenu iz projekta);
- Studijske posjete;
- Stavke već finansirane u sklopu nekog drugog projekta;
- Kupovina i iznajmljivanje zemljišta i postojećih zgrada;
- Troškovi konverzije, nadoknada ili gubici prilikom konverzije valuta;
- Kreditiranje trećih osoba.

Prijava treba da sadrži sljedeće dokumente i priloge:

Uz Zahtjev za odobravanje poticajnih sredstava, podnosilac zahtjeva je dužan dostaviti sljedeće priloge:

- Original ili ovjerenu kopiju Rješenja o registraciji izdatog od nadležnog organa najmanje godinu dana prije objavljivanja Javnog poziva;
- Prijedlog projekta sa finansijskim podacima, efektima projekta, iznosom vlastitog učešća, pregledom troškova i rokovima okončanja planiranih aktivnosti za predmetni projekat (u slučaju već realizovanog projekta u 2021. godini, dostavljaju se i: dokazi o troškovima realizovanog projekta te dokazi o izvršenom plaćanju troškova realizovanog projekta);
- Original ili ovjerene kopije Uvjerenja o uredno izmirenim javnim prihodima (porezi, doprinosi, indirektni porezi) – ne starije od 3 mjeseca u odnosu na dan podnošenja zahtjeva;
- Uvjerenje Komercijalne banke da je žiro račun subjekta aktivan, ne starije od 3 mjeseca u odnosu na dan podnošenja zahtjeva;
- Potpisanu i ovjerenu Izjavu o ranije primljenim državnim pomoćima DE MINIMIS, koje su podnosiocu zahtjeva dodijeljene u tekućoj i prethodne dvije fiskalne godine

u skladu sa Zakonom o sistemu državne pomoći u BiH ("Službeni glasnik B i H", broj:10/12 i 39/20) i Uredbom o namjeni, kriterijima i uslovima za dodjelu državne pomoći Federacije BiH ("Službene novine Federacije BiH", broj: 99/13). (Obrazac Izjave može se preuzeti sa web stranice Vlade ZDK – www.zdk.ba);

- Izjava pod punom materijalnom i krivičnom odgovornosti da iznos troška realizacije projekta koji sufinansira Ministarstvo za privredu neće biti i/ili nije sufinansiran od treće strane, ovjerena od nadležnog organa.

Ukoliko podnosilac zahtjeva aplicira za više projekata iz tačke 1. ovog Javnog poziva, dužan je za svaki projekat dostaviti dokumentaciju utvrđenu ovom tačkom Javnog poziva u zasebnoj koverti.

Način podnošenja aplikacije:

Zahtjev se mora dostaviti u zatvorenoj koverti.

Na poledini koverta obavezno navesti:

- naziv subjekta;
- adresu i kontakt telefon;
- ovjeriti pečatom.

Zatvorene koverta dostavljaju se lično na Protokol Zeničko-dobojskog kantona ili putem pošte na sljedeću adresu: ZENIČKO-DOBOJSKI KANTON, Ministarstvo za privredu, KOMISIJA ZA OCJENU ZAHTJEVA ZA ODOBRAVANJE I DODJELU POTICAJA KOD REALIZACIJE PROJEKATA RAZVOJNIH AGENCIJA, Kučukovići br. 2, Zenica, 72 000, S naznakom: "NE OTVARATI".

Prijave dostavljene drugim putem (npr. putem faksa ili e-mail), neće biti uzete u razmatranje.

5. JAVNI POZIV ZA PRIKUPLJANJE ZAHTJEVA ZA ODOBRAVANJE I DODJELU FINANSIJSKIH SREDSTAVA NAMJENJENIH ZA SUBVENCIONIRANJE (REGRESIRANJE) KAMATA PO KREDITIMA ODOBRENIM U 2020. I 2021. GODINI PO OSNOVU KREDITNO-GARANCIJSKOG FONDA VLADE ZENIČKO-DOBOJSKOG KANTONA

Ciljevi: Odobravanje i dodjela finansijskih sredstava za subvencioniranje (regresiranje) kamata po kreditima odobrenim u 2020. i 2021. godini po osnovu Kreditno-garancijskog fonda Vlade Zeničko-dobojskog kantona za 2020. i 2021. godinu.

Prihvatljivost podnosioca prijave:

Pravo korištenja ovih finansijskih sredstava imaju privredna društva, korisnici kredita, a koja:

- dostave uredne zahtjeve u utvrđenom roku,
- po odobrenom kreditu uredno vraćaju kredit (uplaćuju rate i/ili kamate),
- imaju odobren kredit, po raspisanom „Javnom pozivu za podnošenje zahtjeva za odobravanje kredita namijenjenih poslovnim aktivnostima privrednih društava na području Zeničko-dobojskog kantona“ Stručne službe za razvoj i međunarodne projekte Zeničko-dobojskog kantona sa ciljem finansiranja njihove poslovne

aktivnosti na području Zeničko-dobojskog kantona, a koji se realizira preko ASA Banke d.d. Sarajevo.

Dodjela finansijskih sredstava:

Subvencionirat će se ukupan iznos obračunate i uplaćene kamate za 2020. i 2021. godinu, zaključno sa novembrom 2021. godine, na kredite malih i srednjih privrednih društava koji su odobreni u 2020. i 2021. godini po osnovu „Javnog poziva za podnošenje zahtjeva za odobravanje kredita namijenjenih poslovnim aktivnostima privrednih društava na području Zeničko-dobojskog kantona“ Stručne službe za razvoj i međunarodne projekte Zeničko-dobojskog kantona koji se realizira preko ASA banke.

Korištenje sredstava:

Shodno Javnom pozivu Stručne službe za razvoj i međunarodne projekte Zeničko-dobojskog kantona za podnošenje zahtjeva za odobravanje kredita namijenjenih poslovnim aktivnostima privrednih društava na području Zeničko-dobojskog kantona koji se realizira preko ASA banke.

Prijava treba da sadrži sljedeće dokumente i priloge:

Uz Zahtjev za odobravanje finansijskih sredstava (Obrazac broj 1.), korisnici kredita, dužni su dostaviti sljedeće priloge (original ili ovjerena kopija):

- Ugovor s ASA Bankom d.d. Sarajevo o odobrenom kreditu s otplatnim planom kredita na ime podnosioca zahtjeva. Iz Ugovora mora biti vidljivo da je kredit dodijeljen namjenski u skladu sa „Javnom pozivu za podnošenje zahtjeva za odobravanje kredita namijenjenih poslovnim aktivnostima privrednih društava na području Zeničko-dobojskog kantona“,
- Potvrdu ASA Banke d.d. Sarajevo o redovnoj otplati kredita i uplaćenim kamatama sa iznosom uplaćenih kamata za 2020. i 2021. godinu,
- Uvjerenje komercijalne banke da je žiro račun subjekta aktivan, ne starije od 3 (tri) mjeseca u odnosu na dan podnošenja zahtjeva.

Način podnošenja aplikacije:

Zahtjev se mora dostaviti u zatvorenoj koverti.

Na poleđini koverta obavezno navesti:

- naziv subjekta;
- adresu i kontakt telefon;
- ovjeriti pečatom.

Zatvorene koverta dostavljaju se lično na Protokol Zeničko-dobojskog kantona ili putem pošte na sljedeću adresu: ZENIČKO-DOBOJSKI KANTON, Ministarstvo za privredu, KOMISIJA ZA OCJENU ZAHTJEVA ZA ODOBRAVANJE I DODJELU FINANSIJSKIH SREDSTAVA NAMJENJENIH ZA SUBVENCIONIRANJE (REGRESIRANJE) KAMATA PO KREDITIMA ODOBRENIM U 2020. I 2021. GODINI PO OSNOVU KREDITNO-GARANCIJSKOG FONDA VLADE ZENIČKO-DOBOJSKOG KANTONA, Kučukovići br. 2, Zenica, 72 000, S naznakom: “NE OTVARATI”.

Prijave dostavljene drugim putem (npr. putem faksa ili e-mail), neće biti uzete u razmatranje.

6. JAVNI POZIV ZA ODABIR BANKE ZA PLASMAN KREDITNE LINIJE UZ SUBVENCIONIRANJE DIJELA KAMATE OD STRANE MINISTARSTVA ZA PRIVREDU ZA MSP KOJA POSLUJU NA PODRUČJU ZENIČKO-DOBOJSKOG KANTONA

Ciljevi: Plasman kreditne linije MSP koja posluju na području Zeničko-dobojskog kantona uz subvencioniranje dijela kamate iz sredstava Budžeta Zeničko-dobojskog kantona – Ministarstva za privredu za 2021. godinu za ekonomsku stabilizaciju, održavanje likvidnosti, kupovinu osnovnih sredstava, povećanje obima proizvodnje i/ili usluga, te očuvanje postojećih i obezbjeđenje novih radnih mjesta.

Prihvatljivost podnosioca prijave:

Podnosioci prijave su banke koje u skladu sa kriterijima i planiranim iznosom subvencije, dostavljaju ponudu za plasman kreditne linije uz subvenciju dijela kamate. Uvjet za daljnje razmatranje dostavljenih ponuda je da banke za ponuđeni iznos subvencije 300.000,00 KM obezbijede finansijska sredstava za kreditnu liniju u iznosu od minimalno 4 miliona KM.

Dodjela finansijskih sredstava:

Kreditna sredstva uz subvenciju dijela kamate u visini do 3% i sa grace periodom maksimalno 12 (dvanaest) mjeseci iz Budžeta Zeničko-dobojskog kantona namijenjena su subjektima male privrede u 2021. godini za ekonomsku stabilizaciju, održavanje likvidnosti, nabavku osnovnih sredstava, povećanje obima proizvodnje i/ili usluga, te očuvanje postojećih i obezbjeđenje novih radnih mjesta.

Pravo na dodjelu poticajnih kreditnih sredstava uz subvencioniranje dijela kamate ostvaruju subjekti male privrede definisani u Zakonu o poticanju razvoja male privrede ("Službene novine Zeničko-dobojskog kantona ", broj: 07/16 i 07/20), a koji na osnovu obavještenja Službe za statistiku orazvrstavanju prema klasifikaciji djelatnosti obavljaju registrovanu djelatnost unutar sljedećih područja djelatnosti prema Klasifikaciji djelatnosti KD BiH 2010 ("Službeni glasnik BiH", broj 47/10):

- **C** Prerađivačka industrija (osim oblasti 12 - Proizvodnja duhanskih proizvoda i oblasti 19 - Proizvodnja koksa i rafiniranih naftnih proizvoda);
- **I** Djelatnosti pružanja smještaja te pripreme i usluživanja hrane (hotelijerstvo i ugostiteljstvo);
- **J** Informacije i komunikacije - šifre djelatnosti 62.01, 62.02, 62.03, 62.09 i 63.11;
- **N** Administrativne i pomoćne uslužne djelatnosti - šifre djelatnosti 79.11, 79.12 i 79.90;
- **S** Ostale uslužne djelatnosti (osim oblasti 94 - Djelatnosti članskih organizacija).

Pravo na dodjelu poticajnih kreditnih sredstava uz subvencioniranje dijela kamate ne mogu ostvariti subjekti male privrede kojima je, za istu investiciju i iste prihvatljive troškove (ukupno ili djelomično) odobrena subvencija po osnovu javnih poziva Ministarstva za privredu objavljenih u 2021. godini.

Pravo na dodjelu poticajnih kreditnih sredstava uz subvencioniranje dijela kamate ne mogu ostvariti subjekti male privrede koji nisu opravdali dobijena poticajna sredstva Ministarstva za privredu iz 2019. i 2020. godine.

Kriteriji za evaluaciju projektnih prijedloga:

Kvalifikacioni uvjet za daljnje razmatranje dostavljenih ponuda je da banke za ponuđeni iznos subvencije 300.000,00 KM od strane Ministarstva za privredu, obezbijede finansijska sredstva za kreditnu liniju u iznosu od minimalno 4 miliona KM.

Pored navedenog kvalifikacionog uvjeta, kriteriji za ocjenu ponude su:

- a) visina sredstava za kreditnu liniju (minimalno 4.000.000 KM) _____ učešće 20%
max. 20 bodova za najveći iznos sredstava za kreditnu liniju
Svako narednoj nižoj ponudi u odnosu na prethodnu će se dodijeliti 5% bodova manje.
- b) visina kamatne stope (iskazana u %) _____ učešće 50%
max. 50 bodova za najnižu kamatnu stopu
Svako narednoj višoj ponudi u odnosu na prethodnu će se dodijeliti 5% bodova manje.
- c) visina troškova obrade kredita (iskazana u %) _____ učešće 5%
max. 5 bodova za najniži iznos troška obrade kredita
Svako narednoj višoj ponudi u odnosu na prethodnu će se dodijeliti 5% bodova manje.
- d) grace period (iskazan u mjesecima) _____ učešće 10%
max. 10 bodova za najduži grace period
Svako narednoj ponudi sa kraćim grace periodom u odnosu na prethodnu će se dodijeliti 5% bodova manje.
- e) broj uspješno implementiranih kreditnih linija sa finansijskim iznosom na području Federacije BiH ili Zeničko-dobojskog kantona čiji su karakter i kompleksnost slični onima koji se odnose na ovaj javni poziv _____ učešće 15%
max. 15 bodova za najveći broj
Svako narednoj ponudi sa manjim brojem će se dodijeliti 5% bodova manje.

Korištenje sredstava:

Banka nakon zaključivanja ugovora sa Ministarstvom za privredu objavljuje javni poziv za dodjelu poticajnih kreditnih sredstava, s tim da se prijave sa potpunom i potrebnom dokumentacijom u skladu sa javnim pozivom podnose Banci. Odobreni kredit po jednom korisniku ograničava se iznosom do 500.000,00 KM sa maksimalnim rokom otplate do 60 mjeseci, a koji uključuje ugovoreni grace period. Javni poziv za subjekte male privrede je otvoren do iskorištenja sredstava namjenjenih za subvenciju dijela kamate, odnosno do 31.12.2021. godine, uz mogućnost produženja roka u slučaju da se ne potroše predviđena sredstva za subvencije a što će ugovorne strane regulisati u zaključenom ugovoru.

Banci pripada kamata po odobrenim kreditima, troškovi obrade kredita, provizija za prijevremeni povrat kredita, kao i ostali troškovi koje snosi korisnik kredita. Banka u cjelosti snosi rizik naplate odobrenih poticajnih kreditnih sredstava - glavnice i pripadajuće kamate.

Zahtjevi koji se odnose na kapacitete podnosilaca prijave, efikasno korištenje sredstava i održivost rezultata projekta:

Izbor korisnika poticajnih kreditnih sredstava i iznos pojedinačnih poticajnih kreditnih sredstava utvrđuje odabrana banka u skladu sa kreditnim potencijalom subjekta male privrede uz prethodnu provjeru korisnika od strane Ministarstva za privredu Zeničko-dobojskog kantona u pogledu odobrenih sredstava po ostalim javnim pozivima u 2021. godini.

Subjekti male privrede, korisnici kreditnih sredstava imaju obavezu da minimalno 20% iznosa odobrenih kreditnih sredstava plasiraju za kupovinu mašina, opreme, tehnologije, rezervnih dijelova, a maksimalno 80% iznosa kreditnih sredstava za održavanje likvidnosti, dugoročno finansiranje obrtnih sredstava koja se konstantno upotrebljavaju u poslovnom ciklusu i/ili za dugoročno finansiranje obrtnih sredstava potrebnih u proizvodnji i/ili za dugoročno poboljšanje ostalih poslovnih aktivnosti.

Sredstva Budžeta Zeničko-dobojskog kantona ne mogu se koristiti u svrhu otkupa kreditnih obaveza po ranije preuzetim kreditima kod drugih banaka i za obavljanje sljedećih djelatnosti: proizvodnja oružja i vojne opreme, proizvodnja duhanskih proizvoda i alkoholnih pića, primarnu poljoprivredu izuzev prerađivačke djelatnosti, otvaranje kasina i igara na sreću.

Prijava treba da sadrži sljedeće dokumente i priloge:

Opća dokumentacija:

- a) Rješenje o upisu u sudski registar;
- b) Dokaz o dozvoli za rad (licenca) od Agencije za bankarstvo Federacije BiH;
- c) Certifikat Agencije za osiguranje depozita;
- d) PDV i identifikacijski broj;
- e) Dokaz o adekvatnosti kapitala na dan 31.12.2020. godine koja ne smije biti manja od 12%;
- f) Uvjerjenje o izmirenim porezima i doprinosima kojim se potvrđuje da se uredno izmiruju direktni porezi, doprinosi za PIO/MIO i zdravstveno osiguranje izdato od Porezne uprave Federacije BiH ne starije od tri mjeseca od dana podnošenja prijave;
- g) Uvjerjenje nadležnog suda ili organa uprave kod kojeg je ponuđač registrovan kojim se potvrđuje da isti nije pod stečajem, niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti, u skladu sa važećim propisima u Bosni i Hercegovini;
- h) Izjava da visina kapitala na dan 31.12.2020. godine, nije manja od 60 miliona KM; i
- i) Kompletan set finansijskih izvještaja u skladu sa Odlukom o formi izvještaja koje banke dostavljaju Agenciji za bankarstvo za posljednji kvartal 2020. godine.

Posebna dokumentacija:

Izjava ponuđača o tehničkoj opremljenosti i osposobljenosti za izvršenje traženih usluga (broj filijala/podružnica/ispostava Banke u Zeničko-dobojskom kantonu) i Izjava ponuđača kojom potvrđuje - dokazuje broj uspješno implementiranih kreditnih linija sa finansijskim iznosom na području na području Federacije BiH ili Zeničko-dobojskog kantona čiji su karakter i kompleksnost slični onima koji se odnose na ovaj javni poziv u prethodnih 10 (deset) godina, a koje kreditne linije su slične onima na koje se odnosi ovaj javni poziv.

Način podnošenja aplikacije:

Ponuđač dostavlja ponudu u originalu i podnosi je u zatvorenoj koverti na protokol Zeničko-dobojskog kantona ili putem pošte. Na prednjoj strani koverta, mora biti navedeno:

Naziv: Zeničko-dobojski kanton – Ministarstvo za privredu

Adresa: Kučukovići br. 2, 72000 Zenica

Na koverti obavezno naglasiti: "Ponuda za pružanje bankarskih usluga - NE OTVARATI"

Na poledini koverta obavezno se navodi: naziv podnosioca ponude, adresa i kontakt telefon, te se ovjerava pečatom. Ponuda se čvrsto uvezuje na način da se onemogući naknadno vađenje ili umetanje listova. Stranice ponude se označavaju brojem na način da je vidljiv redni broj stranice.

7. JAVNI POZIV ZA PRIKUPLJANJE ZAHTJEVA ZA ODOBRAVANJE I DODJELU FINANSIJSKIH SREDSTAVA NAMJENJENIH SUBVENCIONIRANJU DIJELA TROŠKOVA ORGANIZACIJE SAJMOVA I MANIFESTACIJA

Ciljevi: Subvencioniranje dijela troškova organizacije sajмова i manifestacija u svrhu promocije privrednika i privrednih potencijala, tradicionalnih i starih obrtničkih djelatnosti, turističkih destinacija i sadržaja.

Prihvatljivost podnosioca prijave:

Pravo na dodjelu sredstava poticaja za realizaciju projekata imaju:

- jedinice lokalne samouprave Zeničko-dobojskog kantona (u daljem tekstu: JLS) i
 - udruženja sa sjedištem u Zeničko-dobojskom kantonu registrovana prema Zakonu o udruženjima i fondacijama ("Službene novine Federacije BiH", broj: 45/02), a čije dominantne aktivnosti su vezane za djelatnosti privrede i turizma na području Zeničko-dobojskog kantona,
- a koje su obezbjedile vlastito učešće i/ili učešće sredstava iz drugih izvora u iznosu od minimalno 10% vrijednosti Projekta.

Pravo na dodjelu sredstava ne mogu ostvariti podnosioci zahtjeva koji nisu opravdali isplaćena poticajna sredstva Ministarstva za privredu u 2019. i 2020. godine.

Jedan korisnik poticaja može koristiti najviše jednu vrstu poticaja Ministarstva za privredu u tekućoj budžetskoj godini.

Dodjela finansijskih sredstava:

Maksimalni iznos sredstava koji se može odobriti i isplatiti korisniku je ukupan iznos troška realizacije projekta (ne uključujući vlastito učešće i učešće sredstava obezbjeđenih iz drugih izvora), ali ne više od 20.000,00 KM.

Sredstva subvencije u ukupnom iznosu, ali ne više od 20.000,00 KM su limitirana po više osnova:

- po jednom subjektu – korisniku,
- u toku jedne budžetske godine.

Kriteriji za evaluaciju projektnih prijedloga:

Rangiranje podnosioca zahtjeva će se vršiti prema sljedećim kriterijima:

Stepen samofinansiranja/sufinansiranja (vlastito učešće % i /ili učešće sredstva obezbjeđenih iz drugih izvora %)

- OD 11 % DO 20% - 1 BOD
- OD 21 % DO 30 % - 2 BOD
- OD 31 % DO 40 % - 3 BODA
- OD 41 % DO 50 % - 4 BODA
- OD 51 % DO 60 % - 5 BODOVA
- IZNAD 60 % - 6 BODOVA

Razvijenost jedinice lokalne samouprave (JLS) u kojoj se projekat realizuje¹

- IZRAZITO NERAZVIJENE – 5 BODOVA
- NEDOVOLJNO RAZVIJENE – 3 BODA
- OSTALE – 0 BODOVA

Tradicija održavanja sajma i/ili manifestacije

- VIŠE OD 5 GODINA – 5 BODOVA
- VIŠE OD 4 GODINE – 3 BODA
- VIŠE OD 3 GODINE – 1 BOD

¹Za bodovanje zahtjeva koriste se podaci Federalnog zavoda za programiranje razvoja - Socioekonomski pokazatelji po općinama FBiH 2020. godina, <https://www.fzzpr.gov.ba/files/Socioekonomski%20pokazatelji%20po%20op%C4%87inama/Socioekonomski%20pokazatelji%202020..pdf>

Izrazito nerazvijene JLS su: 1. Vareš, 2. Ključ, 3. Ravno, 4. Domaljevac-Šamac, 5. Bužim, 6. Foča, 7. Drvar, 8. Glamoč, 9. Teočak, 10. Pale, 11. Čelić, 12. Sapna, 13. Bosansko Grahovo, 14. Dobretići.

Nedovoljno razvijene JLS su: 1. Fojnica, 2. Zavidovići, 3. Olovo, 4. Kalesija, 5. Stolac, 6. Bosanska Krupa, 7. Tomislavgrad, 8. Donji Vakuf – Uskoplje, 9. Grad Cazin, 10. Velika Kladuša, 11. Kladanj, 12. Odžak, 13. Sanski Most, 14. Prozor, 15. Bosanski Petrovac.

Sredstva će se odobravati projektima prema bodovnoj listi od najvećeg broja na niže, do krajnje raspodjele ukupnog iznosa budžetskih sredstava namjenjenih za ovaj poticaj.

U slučaju da više podnosilaca zahtjeva, nakon ocjenjivanja, ostvare isti broj bodova, prednost u odobravanju sredstava poticaja ima onaj podnosilac zahtjeva čiji je veći procenat vlastitog učešća i/ili učešća sredstava obezbjeđenih iz drugih izvora u stepenu samofinansiranja/sufinansiranja, a ukoliko se ovaj kriteriji ne može primijeniti, a ostvaren je isti broj bodova, prednost imaju zahtjevi koji su ranije hronološki zaprimljeni.

Korištenje sredstava:

Sredstva su namjenjena organizaciji sajmova i manifestacija na području Zeničko-dobojskog kantona u 2021. godini u cilju promocije privrednika i privrednih potencijala, tradicionalnih i starih obrtničkih djelatnosti, turističkih destinacija i sadržaja. Korisnik sredstava je obavezan sredstva iskoristiti namjenski u zadatom roku navedenom u projektu i/ili Ugovoru i Ministarstvu za privredu u ugovorenom roku dostaviti izvještaj o realizaciji preuzetih obaveza, odnosno korištenju sredstava, s pratećom dokumentacijom koja potvrđuje navode u izvještaju. Na zahtjev Ministarstvu za privredu pružiti na uvid i dodatnu naknadno traženu dokumentaciju.

Prijava treba da sadrži sljedeće dokumente i priloge:

Uz Zahtjev za odobravanje poticajnih sredstava, podnosilac zahtjeva je dužan dostaviti sljedeće priloge:

- Uvjerenje Komercijalne banke da je žiro račun subjekta aktivan, ne starije od 3 (tri) mjeseca računajući od dana objave ovog Javnog poziva;
- Dokaz o obezbjeđenim vlastitim sredstvima i/ili sredstvima obezbjeđenim iz drugih izvora (Izvod ili Potvrda ovjerena od banke), ne starije od 3 (tri) mjeseca računajući od dana objave ovog Javnog poziva;
- Projekat sa sljedećim obaveznim sadržajem: naziv projekta, detaljan opis plana realizacije, ključne aktivnosti, predviđene datume realizacije, pregled budžeta projekta koji uključuje sve aktivnosti koje treba realizovati iz sredstava poticaja, te na jasan način objasniti o kakvom projektu se radi. Projekat mora predvidjeti broj mjerljivih rezultata na koje će realizacija projekta imati najviše efekta. U pregledu budžeta projekta predstavljaju se troškovi do kojih implementator projekta očekuje da će doći za vrijeme trajanja projekta. Pregled budžeta treba da govori isto što i opis prijedloga projekta, a stavke budžeta treba da prate logičan slijed aktivnosti na način kako je projektom navedeno. Potrebno je da što više budžetskih stavki bude zasnovano na tačno utvrđenim troškovima, a ne na približnim procjenama. Također, ukoliko je predviđeno sufinansiranje projekta, potrebno je specificirati planirane aktivnosti i navesti izvore finansiranja navedenih aktivnosti iz vlastitih i/ili drugih izvora i priložiti dokaze o istom. U sklopu projektnog prijedloga dostavljaju se dodatna pojašnjenja budžetskih stavki navedenih u formi pregleda budžeta. Tabela prikaz planiranog utroška sredstava mora obuhvatiti sve stavke jasno i kratko opisane, sa definisanom mjernom jedinicom, brojem jedinica i jediničnom cijenom, gdje njihov rezultat daje ukupnu vrijednost svake takve budžetske stavke.
- Dokaz o dugogodišnjoj tradiciji održavanja sajma i/ili manifestacije.

Obaveznu dokumentaciju općina/gradova, čine i sljedeći dokumenti:

- Original ili ovjerena kopija Odluke Načelnika/Gradonačelnika o pokretanju realizacije projekta,
- Original ili ovjerene kopije Uvjerenja o uredno izmirenim javnim prihodima (porezi, doprinosi, indirektni porezi) ili ovjerena kopija sporazuma sa nadležnom poreznom institucijom o reprogramiranom odnosno odgođenom plaćanju obaveza po osnovu poreza, doprinosa i indirektnih poreza uz potvrdu poreskih organa da se u predviđenoj dinamici izmiruju reprogramirane obaveze - ne starija od 3 (tri) mjeseca računajući od dana objave ovog Javnog poziva,
- Pismo namjere o realizaciji projekta (sa naznakom da će osigurati vlastito učešće

i/ili sredstva obezbjediti iz drugih izvora i njihov iznos, pravdanje sredstava dobijenih od strane Ministarstva za privredu i sredstava vlastitog učešća i/ili sredstva obezbjeđenih iz drugih izvora odgovarajućom finansijskom dokumentacijom).

Obaveznu dokumentaciju udruženja čine i sljedeći dokumenti:

- Original ili ovjerenu kopiju Rešenja o registraciji udruženja – potencijalnog korisnika, izdato od Ministarstvu pravosuđa i uprave Zeničko-dobojskog kantona/Federalno ministarstvo pravde prije 01.01.2020. godine;
- Izvod iz Registra Ministarstva pravosuđa i uprave Zeničko-dobojskog kantona/Federalno ministarstvo pravde – ne stariji od 3 (tri) mjeseca računajući od dana objave ovog Javnog poziva;
- Original ili ovjerenu kopiju Bilansa stanja i Bilansa uspjeha za prethodnu godinu;
- Original ili ovjerenu kopiju odluke upravnog odbora udruženja o pokretanju realizacije Projekta;
- Original ili ovjerene kopije Uvjerjenja o uredno izmirenim javnim prihodima (porezi, doprinosi, indirektni porezi) ili ovjerena kopija sporazuma sa nadležnom poreznom institucijom o reprogramiranom odnosno odgođenom plaćanju obaveza po osnovu poreza, doprinosa i indirektnih poreza uz potvrdu poreskih organa da se u predviđenoj dinamici izmiruju reprogramirane obaveze – ne starija od 3 (tri) mjeseca računajući od dana objave ovog Javnog poziva;
- Udruženja koja nemaju zaposlenih- original ili ovjerenu kopiju izjave da nemaju zaposlenih, i nemaju poreznih obaveza, obaveza prema MIO/PIO i zdravstvenom osiguranju ovjerenu kod nadležnog organa;
- Izjava o realizaciji projekta (dostupna na web stranici Vlade Kantona);
- Potpisanu i ovjerenu Izjavu o ranije primljenim državnim pomoćima DE MINIMIS, koje su podnosiocu zahtjeva dodijeljene u tekućoj i prethodne dvije fiskalne godine u skladu sa Zakonom o sistemu državne pomoći u BiH ("Službeni glasnik BiH", broj:10/12 i 39/20) i Uredbom o uslovima i postupku za dodjelu pomoći male vrijednosti – de minimis pomoć („Službene novine Federacije Bosne i Hercegovine“, broj: 27/18). (Obrazac Izjave može se preuzeti sa web stranice Vlade ZDK – www.zdk.ba).

Način podnošenja aplikacije:

Zahtjev se mora dostaviti u zatvorenoj koverti.

Na poleđini koverta obavezno navesti:

- naziv subjekta;
- adresu i kontakt telefon;
- ovjeriti pečatom.

Zatvorene koverta dostavljaju se lično na Protokol Zeničko-dobojskog kantona ili putem pošte na sljedeću adresu: ZENIČKO-DOBOJSKI KANTON, Ministarstvo za privredu, KOMISIJA ZA OCJENU ZAHTJEVA ZA ODOBRAVANJE I DODJELU POTICAJA KOD ORGANIZACIJE SAJMOVA I MANIFESTACIJA, Kučukovići br. 2, Zenica, 72 000, S naznakom: "NE OTVARATI".

Prijave dostavljene drugim putem (npr. putem faksa ili e-mail), neće biti uzete u razmatranje.

8. JAVNI POZIV ZA PRIKUPLJANJE ZAHTJEVA ZA ODOBRAVANJE I DODJELU (REFUNDACIJU) FINANSIJSKIH SREDSTAVA NAMJENJENIH SUBVENCIONIRANJU ADMINISTRATIVNIH TROŠKOVA KOD IZGRADNJE PROIZVODNIH OBJEKATA

Ciljevi: Odobranje i dodjela (refundiranje) nepovratnih finansijskih sredstava obezbjeđenih za subvencioniranje dijela administrativnih troškova kod izgradnje proizvodnog objekta.

Prihvatljivost podnosioca prijave:

Pravo korištenja poticajnih sredstava imaju privredna društva registrovana za obavljanje proizvodnih djelatnosti u Zeničko-dobojskom kantonu, koja proizvodni objekat izgrade na području Zeničko-dobojskog i koja su upisala pravo vlasništva nad tim objektom koji je predmet ovog poticaja i koji ispunjavaju uslove definisane članom 2. Zakona o poticanju razvoja male privrede („Službene novine Zeničko-dobojskog kantona, broj: 7/16 i 7/20).

Neprihvatljivi podnosioci prijave:

Pravo na korištenje poticaja nema investitor koji je izgrađeni objekat iznajmio drugom subjektu, a niti subjekat koji koristi iznajmljeni objekat.

Kriteriji za dodjelu finansijskih sredstava i iznos bespovratnih sredstava:

Nakon uredno podnesenog Zahtjeva, subvencija administrativnih troškova kod izgradnje proizvodnih objekata u jednokratnom iznosu će se odobriti prema kriterijima datim u sljedećoj tabeli:

Minimalna proizvodna površina objekta /u m²/	Iznos sredstava poticaja /u KM/	Umanjenje poticajnih sredstava za legalizaciju objekta /%/
200	8.000,00	5
250	10.000,00	5
300	12.000,00	5
400	16.000,00	10
500	20.000,00	10
600	24.000,00	20
800	28.000,00	20
1.000	32.000,00	30
1.250	36.000,00	30
1.500	40.000,00	40
2.000 i više	50.000,00	40

Napomena: Iznos sredstava poticaja 8.000,00 KM dodjeljuje se za površine objekta u rasponu od 200 do 249,99 m² i navedeno se primjenjuje i na ostale iznose i pripadajuće površine navedene u tabeli.

Sredstva će se odobravati investitorima prema hronološkom redoslijedu prijema zahtjeva do konačne raspodjele ukupnog iznosa budžetskih sredstava namjenjenih za ovaj poticaj.

Korištenje sredstava:

Pod proizvodnim objektom podrazumjeva se natkrivena građevina sa zidovima, u kojoj investitor obavlja djelatnosti iz područja D-Prerađivačka industrija (stare Standardne klasifikacije djelatnosti) ili C- Prerađivačka industrija (nove Standardne klasifikacije djelatnosti) i za koji je investitor obezbijedio upotrebnu dozvolu nakon 01.01.2017. godine prema Zakonu o prostornom uređenju i građenju Zeničko-dobojskog kantona ("Službene novine Zeničko-dobojskog kantona", broj: 1/14 i 4/16).

Prijava treba da sadrži sljedeće dokumente i priloge:

Uz Zahtjev za odobravanje poticajnih sredstava, Investitor je dužan dostaviti sljedeće priloge (original ili ovjerenu kopiju):

- Sudsko rješenje o registraciji i aktuelni izvod ne stariji od tri mjeseca, računajući od dana objave ovog Javnog poziva;
- Uvjerjenje o poreznoj registraciji;
- Bilans stanja i uspjeha za 2020. godinu ovjeren od nadležnog organa,
- Uvjerjenje od Porezne uprave FBiH o izmirenju direktnih poreza i doprinosa (PIO/MIO i zdravstveno osiguranje) sa brojem ili popisom osiguranih osoba-matična evidencija - ne starije od tri mjeseca, računajući od dana objave ovog Javnog poziva;
- Uvjerjenje o uredno izmirenim obavezama po osnovu PDV-a (ukoliko je podnosilac po Zakonu o porezu na dodatu vrijednost u sistemu, ukoliko nije dostaviti Izjavu da privredni subjekt nije u sistemu PDV-a, ovjerenu od strane nadležnog upravnog organa) - ne starije od tri mjeseca, računajući od dana objave ovog Javnog poziva;
- Uvjerjenja o uredno izmirenim finansijskim obavezama prema Budžetu Zeničko-dobojskog kantona, ne starije od tri mjeseca, računajući od dana objave ovog Javnog poziva;
- Dozvola za obavljanje registrovane djelatnosti ili odgovarajući akt nadležnog inspekcijanskog organa ili Obavještenje o razvrstavanju pravnog lica prema djelatnosti izdato od Federalnog zavoda za statistiku, iz kojih je vidljivo da privredno društvo obavlja djelatnost iz tačaka 1. i 2. Javnog poziva;
- Rješenje o legalizaciji ukoliko je proveden postupak legalizacije;
- Odobrenje za upotrebu objekta, izdato od nadležnog organa nakon 01.01.2017. godine (odobrenjem za upotrebu objekta ne smatra se akt privremenog ili uvjetnog karaktera);
- Tlocrta objekta iz Glavnog projekta sa vidljivo naznačenom površinom objekta;
- Uvjerjenje Komercijalne banke da je žiro račun potencijalnog korisnika aktivan, ne starije od tri mjeseca, računajući od dana objave ovog Javnog poziva;
- Potpisanu i ovjerenu Izjava o ranije primljenim državnim pomoćima DE MINIMIS, koje su podnosiocu zahtjeva dodjeljene u tekućoj i prethodne dvije fiskalne godine u skladu sa Zakonom o sistemu državne pomoći u BiH ("Službeni glasnik BiH", broj: 10/12, 39/20) i Uredbe o uslovima i postupku za dodjelu pomoći male vrijednosti-de minimis pomoć („Službene novine Federacije Bosne i Hercegovine“, broj: 27/18) (Obrazac Izjave može se preuzeti sa web stranice Vlade ZDK – www.zdk.ba);
- Spisak uposlenih, odnosno popis osiguranih osoba izdat od Porezne uprave FBiH izdat nakon datuma objave Javnog poziva.

Način podnošenja aplikacije:

Zahtjev se mora dostaviti u zatvorenoj koverti.

Na poledini koverta obavezno navesti:

- naziv subjekta;
- adresu i kontakt telefon;
- ovjeriti pečatom.

Zatvorene koverta dostavljaju se lično na Protokol Zeničko-dobojskog kantona ili putem pošte na sljedeću adresu: ZENIČKO-DOBOJSKI KANTON, Ministarstvo za privredu, KOMISIJA ZA OCJENU ZAHTJEVA ZA ODOBRAVANJE I DODJELU (REFUNDACIJU) FINANSIJSKIH SREDSTAVA NAMIJENJENIH SUBVENCIONIRANJU ADMINISTRATIVNIH TROŠKOVA KOD IZGRADNJE PROIZVODNIH OBJEKATA, Kučukovići br. 2, Zenica, 72 000, S naznakom: "NE OTVARATI".

Prijave dostavljene drugim putem (npr. putem faksa ili e-mail), neće biti uzete u razmatranje.

IV ROK

Javnim pozivima precizirat će se rok za dostavu dokumentacije odnosno krajnji datum dostave dokumentacije.

V KOMISIJSKA OCJENA

Ministar rješenjem imenuje i razrješava komisiju za izbor korisnika poticajnih sredstava kao i Komisiju za izbor banke. Za svoj rad komisija odgovara ministru Ministarstva za privredu.

Po uredno prispjelom zahtjevu, na osnovu kriterija naznačenih u javnom pozivu, Komisija vrši ocjenjivanje prijava. Komisija sačinjava listu podnosilaca prijava koji nisu uvršteni na listu potencijalnih korisnika iz formalno pravnih razloga (sa navođenjem razloga neuvrštavanja), koju Ministarstvo objavljuje na web stranici Kantona. Podnosilac prijave, u cilju zaštite svojih prava, može uložiti prigovor Ministarstvu u roku od osam dana od dana objave navedene liste na web stranici Kantona.

VI POSTUPAK ODOBRAVANJA

Nakon postupanja po svim prigovorima, Ministarstvo utvrđuje prijedlog odluke o izboru korisnika poticajnih sredstava sa iznosom sredstava, a odluku na prijedlog Ministarstva donosi Vlada. Odluka se objavljuje na web stranici Kantona. Vlada Kantona može opozvati donesenu odluku zavisno od dinamike priliva budžetskih sredstava.

VII ISPLATA SREDSTAVA - REALIZACIJA POTICAJA

Na osnovu odluka o odobravanju sredstava i/ili potpisanih ugovora sa korisnicima sredstava, Ministarstvo za privredu podnosi naloge za isplatu sredstava Ministarstvu finansija.

Broj: 04-11-10878-1/21
Zenica, 06.09.2021. godine

MINISTAR

Zlatko Jelić